



Represchentants e represchentantas da la pcd grischuna cun la cussegliera federala Doris Leuthard (5avla da san.). FOTOS G. N. STGIER



Cleras finamiras er dals candidats giuvens da la pcd da noss chantun: Corina Caluori, Tino Schneider e Melanie Janka (da san.).



Far bleras vuschs per la pcd grischuna vul er il deputà sursilvan René Epp.

Cuntanscher en cuminanza la finamira

Pcd dal Grischun: Entschatta dal cumbat electoral

DA GION NUTEGN STGIER / ANR



Ilis dus umens che han emplantà cun la cussegliera federala l'ischi da muntogna: Andreas Weber, Doris Leuthard e Reto Attenhofer (da san.).



Chant dad ina gruppa d'uffants per la magistrata da Berna.

■ **En in lieu singular, cun in giast prominent e cleras finamiras ha la Partida cristiandemocratica da noss chantun lantschà ses cumbat electoral. Fatg quai han ils candidats e las candidatas a Panaduz en preschientscha da cussegliera federala Doris Leuthard.** In guaud a lur da la vischnanca da Panaduz è stà la culissa per l'enschatta dal cumbat electoral da la Partida cristiandemocratica (pcd) dal Grischun. Cumenzà ha quel di per ils sis candidats e las quatter candidatas per il cussegl naziunal gia da mezdi cun ina acziun cuminaivla. Cun represchentants dal Revier forestal da Panaduz han ils umens e las dunnas emplantà 150 plantas da laresch. Cun quella acziun vul la pcd mussar che cun prender en maun communabel ina lavur ins vegn er en la politica pli lunsch. Ina planta simbolischa er ina creschientscha persistenta ed ella surviva era pliras generaziuns, ha ditg Stefan Engler, il president da la pcd dal Grischun.

Noss candidats e nossas candidatas han quel profil
«Cuminaivel», quai è er il motto da la pcd grischuna per las elezziuns naziunalas en dus mais. Stefan Engler, il president da la pcd da noss chantun, è er persvas che communabel vegnia la partida ad avair success tar las tschernas naziunalas da quest onn. Per avair success sajan trais aspects da gronda impurtanza: presta-

ziun, experientscha ed engaschament. Il profil dals candidats e da las candidatas correspunda en tut cas a quels trais criteris, ha ditg Stefan Engler. La pcd saja politicamain er ina patria vardaivla e quai per giuvens e vegls, ella saja ina partida cun perspectivs, per dapli libertad en l'economia, per fermas vischnancas e per rinforzar ils centers regionals, ha menziunà il cusseglier dals chantuns. Ina finamira dals cristiandemocrats dal Grischun per las elezziuns naziunalas dals 18 d'october saja da daventar la partida segund-ferma da noss chantun. Cun persunalitads da tut las regiuns sco candidats e candidatas saja quai senz'auter realistic, ha ditg Stefan Engler. In'ulteriura clera finamira saja da defender ils dus sezs a Berna, il mandat da cusseglier naziunal Martin Candinas e ses post sco cusseglier dals chantuns. Stefan Engler è plain speranza da cuntanscher quella finamira cun ir la pcd en il cumbat electoral cun persunas profiladas.

Ina ferma pcd giuvna
En il cumbat electoral va la pcd da noss chantun cun duas glistas, la glista 2 cun las candidatas ed ils candidats giuvens e la glista 11, la glista uffiziala cun il cusseglier naziunal existent Martin Candinas ed ulteriuras quatter persunas. Quai è deputada Silvia Casutt-Derungs ed ils trais deputads Daniel Albertin, Franz Sepp Caluori ed Alessandro Della Vedova. Ils quatter candidats e la candidata da la glista 11 vulan s'engaschar per las regiuns da las muntognas, per l'economia, las famiglias, il tu-

rissem, la scolaziun e l'agricultura. Far inginas vuschs da partida vul la pcd grischuna cunzunt er cun la glista dals giuvens a la quala appartegnan ilis dus deputads René Epp e Tino Schneider sco er las trais candidatas Corina Caluori, Melanie Janka e Caterina Ventrici.

Emplantà in ischi da muntogna
Aposta per lantschar il cumbat electoral da la pcd da noss chantun, sco sustegn e sco segn da renconuschientscha, è cussegliera federala Doris Leuthard vegnida a Panaduz. Retschet il giast da Berna han cusseglier guvernativ Mario Cavigelli ed Elita Florin-Caluori, la presidenta da la vischnanca da Panaduz. Suentar è la delegaziun dischlocada en il guaud nua ch'ils candidats e las candidatas e numerus schurnalists han beneventà cordialmain la cussegliera federala dal chantun Argovia. Stefan Engler è sa mussà ventiraivel da l'auta visita e manegia che per la pcd grischuna saja la visita da Doris Leuthard ina gronda onur ed er in sustegn per cuntanscher tar las tschernas naziunalas la finamira. Er la cussegliera federala ha emplantà ina planta, e quai in ischi da muntogna, sco simbol che duai dar forza e speranza a la pcd da da terminar las elezziuns naziunalas cun success. Suentar la cerimonia d'emplantaziun è lura Doris Leuthard s'entupada cun la populaziun da Panaduz, cun la «famiglia» da la pcd grischuna e vegl e giuven han giudì l'inscunter empernaivel cun la cussegliera federala populara.



Beneventà è il giast da Berna vegni da Stefan Engler, il president da la pcd grischuna.



Cusseglier guvernativ Mario Cavigelli cun Doris Leuthard, la cussegliera federala.